

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



PENGAJARAN KOLABORATIF MALAYSIAN ECONOMICS (ECO261): SUSTAINABLE GROWTH IN MALAYSIAN TOURISM

Nur Fatimah Shaari, Rosmah bt Abd Ghani@ Ismail, Fatin Farazh Ya'acob

Kursus Malaysian Economics (ECO261) merupakan kursus yang mengupas prestasi ekonomi Malaysia sejak kemerdekaan, merangkumi perkembangan sektor ekonomi, perubahan struktur ekonomi, serta pelbagai isu sosio-ekonomi yang wujud. Bagi memastikan para pelajar dapat menyelami perkembangan dan struktur ekonomi terkini, pensyarah mengajar telah menjemput Profesor Madya Dr. Syamsul Herman Mohamad Affandi dari Sekolah Perniagaan dan Ekonomi, Universiti Putra Malaysia (UPM) sebagai penceramah jemputan pengajaran kolaboratif.

“Sustainable Growth in Malaysian Tourism: Addressing Structural Challenges and Opportunities” merupakan tajuk yang telah dikupas oleh penceramah pada sesi yang telah berlangsung selama dua (2) jam pada 27 Mei 2025. Selain daripada perkongsian ilmu, penceramah juga telah mewujudkan aktiviti dua hala seperti soal jawab interaktif dan kuiz bagi memastikan pelajar tidak hanya mendengar, tetapi memahami, berfikir dan memberi respon yang baik.

Antara intipati perkongsian adalah sumbangan sektor pelancongan Malaysia kepada KDNK, peluang pekerjaan dan pendapatan pertukaran kadar matawang asing. Pertumbuhan sektor pelancongan bukan hanya dilihat dari segi jumlah pendapatan mahupun bilangan pelancong, malah ia perlu diseimbangkan dengan kelestarian alam sekitar, budaya, dan kesejahteraan komuniti tempatan. Terdapat beberapa cabaran yang telah dibincangkan oleh penceramah antaranya isu infrastruktur: kekurangan penyelenggaraan destinasi pelancongan dan kualiti kemudahan awam dan digital yang tidak menyeluruh. Isu tekanan alam sekitar: “overtourism” di lokasi pelancongan yang popular seperti Langkawi dan Pulau Tioman, serta pencemaran laut, kemusnahan ekosistem hutan dan pantai dan isu sumber manusia turut dibincangkan.

Namun begitu, setiap isu yang wujud disertakan dengan cadangan penyelesaian. Pembangunan infrastruktur yang lestari adalah digalakkan seperti pelaburan dalam pengangkutan hijau, kemudahan yang lebih mesra pelancong, dan memperbanyakkan kemudahan sistem pelupasan sisa domestik. Selain itu, Malaysia juga digalakkan untuk mempelbagaikan tumpuan produk pelancongan seperti pelancongan perubatan dan pelancongan halal, dan memperkukuhkan kerjasama serantau untuk mempromosikan pelancongan yang berasaskan kelestarian.



Cawangan Johor
Kampus Segamat



COLLABORATIVE TEACHING ECO261

SUSTAINABLE GROWTH IN MALAYSIAN TOURISM: ADDRESSING STRUCTURAL CHALLENGES AND OPPORTUNITIES



SPEAKER:

**ASSOC. PROF. DR SYAMSUL
HERMAN MOHAMMAD AFANDI**

DEPARTMENT OF ECONOMICS
SCHOOL OF BUSINESS AND ECONOMICS
UNIVERSITI PUTRA MALAYSIA (UPM)

27 MAY 2025 (TUESDAY)

8:00 AM - 10:00 AM

<https://meet.google.com/xbt-kvww-mvt>



ECO261:
COMPULSORY TO
BATH PART 5
STUDENTS

ORGANIZED BY:
DEPARTMENT OF ECONOMICS
FACULTY OF BUSINESS AND MANAGEMENT
UITMCJ KAMPUS SEGAMAT

SCAN ME

UiTM di hatiku

